



O Volapükafleus Valöpo!

Yeli Nulik mu läbiki oles! Konsäl obik pro yel nulik no leduton obe. Leduton otdialane Arturo Alfandari, kel ädeadom bü yels ömik. Filosof oma binon mu balugik. Ekö on:

1. Löfolsös ladöfiko kemenis olsik.
2. Dakipolsös natäli fredaladälik, e smililölsös.
3. Sukolsös vobedi, keli löfols, e läükolsös ote bosu fredaladäla.

Kim äbinom-li hiel Arturo Alfandari? Äbinom man, kel ävilom gudükumön voli. Äbinom man, kel ilifädöm yelis tepikün e bludikünis jenava menätik. Ab to valikos, neai äperom kani fredima. Äs obs, äcedom ladöfiküno, das volapük öbinon dini gudik ad balön menis alsotik da vol. Sekü atos, äsludom ad lautön püki bevünetik oka. Püki at änemom eli „Neo.” Ab, äs lautan onik, el „Neo” ädeadon. Jinos, das no älabon flenis, kels ävilons kälön oni. In tef at, no glömonsös, das pük somik plöpon danü steifüls flenas oka.

Datuvans pükas bevünetik votik mödadilo älaboms desini ad balön menäti dub pük dialik, ab el Alfandari älabom disini ad gudükumön pösodi alik büä ökanoy gudükumön voli lölik.

If alikan obas kanon löfön kemenis obas äs obs it, (e atos no binon ai vobed fasilik); if anikan olas kanon binön fredaladälik ko smilil pro mens votik; if vobed, keli dunobs, fredükon obis - täno binobs mens liegikün.

Penedi ela Alfandari etradutob ini volapük obsik su pads 13 – 15.

Valikosi Gudikün Oles ed Olikanes

sedom

Ralph

SÄK VEÜTIKÜN
(fa hiel Frank Roger)

Hiel Vincent ästunidom glöpoti legluga di Firenze; ek ästeifulon ad tirädön küpäli oma. Ädoniologom, ed ekö vom bäldik, kel igleipof bradi omik me doats kluvöfik. Klots ofik miotik, pemik äküpälükons omi in taäd tefü logs ofik, kels äfilons me litil fifilik.

Äsagof ome Linglänapüko pelukazetöl:

„Säkolös obe säki semik dö ol it, e ta yurods lul ogespikob oni verätiko ole. Ab te säki bal. No plu. Fümolöd, das obinon säk veütik.“

„Säk semik-li dö ob it? Säk veütik-li? Ta yurods lul-li?“ Onu el Vincent esludom ad dasumön lofoti. „Benöl Yelis liomödotik olifob-li?“

„Fümol-li, das at binon säk, keli vilol säkön? Sevol-li, das omutol sufön sekis gespika obik? Dasuemol-li osi?“

„Sil sil“ äsagom el Vincent, kel äprimikom ad perön sufädi oka ko vom. „Esagol ebo anu, das ögespikol verätiko säki veütik oba dö ob it. Utos, kel ojenos obe binos veüta gretikün obe. Dalilob . . . “

Logs ofik änüdranons ini logs oma, ed äkanom ti senön hiti, kel äfilükon ofi. Dü timül äsuidikom boso.

„Äsä vilol osi,“ äsagof fino. „Ogesagob osi ole: Odeadol ünü muls ömik.“

„Vo-li? Nitedälob dö atos. Lio odeadob-li, begöl Kikodo fümol-li dö atos? Kanob-li vitön osi?“

Älemufükof kapi. „Te säki bal. Pidob, das gespik

II:11:2009

oba in tef at no epliton olí. Ba âmōgos, das ūkanol būologōn sākādi at e das ūkanol sākōn obe sāki votik. Ab anu no mōgos atos. Yurodis lul, begō, o söl.”

Ägivom ofe yurodis lul, ed âmogolom. Älifādom te delis ōmik tō Firenze ed āvilom visitōn logōfotis zifa mōdikūn. Ab anu iglōmom lölōfiko vomí, ed āsāntretūkom oki ad sevādūkōn zifi at magivik.

• • • • •

El Vincent ādunom spati lātikūn da zānod zifa bū gegol lū lotidōp ad getōn pākemi oka e ad tāvōn lū lutapof. Ab spatōlo jūi el Piazza della Signoria, ikolkōmom fādo vomí bāldik, kel ibūosagof ome ādelo fūtūri omik. Älūlogom vifiko, spetōfiko ofi, ed ānulālom, va ōmemosevof omi, āsi utosi, kelosi isagof ome. Stunolūlog nennotodik ofa āsinifon-la, das ābinom te tōran nog bal, kel ōgivom-la yurodis lul ofe if āvilom gebōn tāleni būosagōfik ofa.

Tān sunādo ālōlogof lū om, sagōlo: „Sākolōs obe sāki semik dō ol it, e, ta yurods lul, ogespikob oni verātiko ole. Ab te sāki bal. No plu. Fūmolōd, das obinon sāk veūtik.”

„Benō! āgespikom. „Yelis liomōdotik olifob-li?”

Älogof ini logs oma dū timūl, tān āsagof: „Odeadol ūnū lifayels jöldeg, posā erivol dasteifis valik ola. Lif ola obinon lif fulik ā kotenik.

„Vo-li? Fredob ad lilōn osi. Sevol-li, das ādelo esākob ole otosi, ed esagol, das ōdeadob ūnū muls ōmik.”

„Sil āsagof, „memob gudiko osi, ab jenōfot it, das āsagob atosi ole eceinon fūtūri olik. No sōtol

II:12:2009

esäkön säki et, äsä ya inunedon oli. Dabinons säks frutikum ad säkön. Vero, nol deada olik sunik oflunon nesevälo lifamodi ola, igo if te nesevälo. Otidon oli ad prüdön ai mödikumo, ad riskädikön ai nemödikumo; so ovitol deadi sunik ola. Fütüri olik ovotafomol danü bünol at."

"Vo-li? Seko edunob verätikosi fino. Esäkob ole säki verätik. Evitob deadi sunik."

Älemufükof kapi. „No edatikel atosi. Nol, keli ebo anu egaenol dö lifaspel lunikum ola oflunon, turno, lifamodi olik, e seko obetikel dibikumumo fütüri ola dönu. No suemol kedi vifik ceinas, keli mufükol. E no glömolös, begö! yurodis lul oba!! Cedob, jenöfo, das egaenob mödikumis, bi egespikol säki plu ka bali.

Ägivom ofe bankazöti yurodas lul, sagölo:

„Völ mod olik ad kosidön binon bisarik: begol beianis ad säkön ole säki bal dö ons it, e poso givol ones gispikis fulü filosof mu fopik. No baicedol-li, das dabinons vobeds nefikulikum, keks pelons moni mödikum? Ekö - yurods nog luls ole - juitölös delil

Tän egivom ofe bankazöti nog bali, egeom oki, lemufükölo kapi, ed estepom de pärunaveg - ab no elogom nibudi, kel ävifavabon ve süt.

Brekö!! ekö om dis leluibs ona!



SPIKET FRIKOPIK

Man stedälik remom jevodi gudik ad fugön ven usagom verati.

II:13:2009

PENED FLENES OBA

Tù d. 8-id yunula, yela 1958.

Junior fui et etiam senui.

Äbinob yunan ed ekö! ebäldikob.

O flens löfik oba!

Adelo zelob lefredo motedadeli veldegid oba.

Perivölo soari lifa obik, kel mödadilo ejenon ünü tim tepikün e bludikün jenava menäta, tupob tio ad siön, ven logedob love yels pasetalifa lunik oba, das jinons obe äs fa sen läba pebanöla.

As mens valik, esufob flapis kruälik neläba, e no eplöpob ai ad neletön obi ad kompenön, id ob, ko neläbs votikanas.

Ye, to neläbs e lelieds, to jem e lejek, das ebinob temunan timäda nesufäla e bosküra, ebinob man nemmiediko läbik, e binob nog so.

Tù del alik lifa obik sis cilöf oba, esenob läbi dabina. Tuvob nog, ün timül alik, ed ai ko lestun ot cilöfa obik, dinis nitedik, du votikans, leigo pegönöls äs ob, semikna plu, ekanons tuvön dü lif lölik okas te motivis ad grunön e ad blasfämön.

Binos sekü danöf tefü fät oba, das kömob ad sedön oles nuni at, bi süädükob, das läb binon loveikovik. Do binob pülikan, jenöfot, das eplöpob ad vedön man läbik jonon sami kuradüköl.

Sosus irivob lifayeli lufdeglulid oba, ipromob obe ed igo ipenob, das if Büologal löfikün ögevon obe lifayelis nog deglulis, lifayels lätikün at öbinons pro ob lifayels läbikün.

Egaenob flagi mäpüdik oba.

Too, yels at eblinons obe, id ons, neläbis kruälikün.

Lio äkanos-li jenön, jenöfot at oktaöfik?

Balugiko bi läb verik binon din nedistukovik: läb oba binon ninü ob it, binon kompenan fiedik e neteilovik oba. Neai elüvon oni, neai eträböt oni.

II:14:2009

If daſomoy oki - e l  b binon dilo s  k daſomama - daſevoy, das kanoy l  b  n mu faſiliko to kompi  lans, fa faſil at pet  b  ls, kels no daſevons, das binons lautans it f  ta nel  bik okas,    kofud  k  lo l  bi e fop  li, s  ad  kons okis, das no kanoy l  b  n nen bin  n fopan.

Ba gidetons, bi stab   l  b dabinons te cil  fots - ab dub cil  fots somik otuvoy ſapi verik.

Onunob oles nomis kil ſapa ot. Binons leigo v  niks   s vol, ab, sosus obaicedols ad dasuem  n    ad l  ned  k  n onis, otuvols med   ons flifi flor  pa:

1) L  fols  s lad  fik  o kemeni olsik. Stei  f  lsols  s ad lead  n n  dran  n dibiko l  fi at ini ols it; no binon  d ſ  rfatik. Ot  vols us foni balid l  fa ed odrinols l  bi se on. E leig  po umo  kols se lad olas retodis l  tik  n mal  das jeikik at, kels binons labi  l e het.

2. Blebols  s nat  la fredalad  lik e ſmililols  s. I ſtei  f  lsols  s, das at no blebon  s te diſin, ab das o  en  fikon  s.

3. Va tefon-la cali, keli mutols dun  n, u va pl  d   on, ſukols  s vobedi, keli l  fols, do binon-la m  kik, e ſtei  f  lsols  s ad l   k  n one boſi dialima    jaf  da ad mal  n ſomo goulis olsik ſu tal. Igo man nengeridik  n kanom f  met  n, as lifizeil oka, ad legiv  n vilage okik boadabami. T   del fidunana proma at, oſenom lefredi, das efidunom leſedi omik. Bam oma obinon temunod, das no elifom vano, *„ne frustra vixisse videtur.“*

Ek   val: l  f lad  fik kemenas, nat  l fredalad  lik   si vobed frutik, keli l  fols. T   del f  la olsik, noms kil at ovotafomons vali logam   ols, ed od  lons oles ad log  n dili j  nik lifa.

No plu oſevols na  ti, ni luneodi ſekas, keli moton.

Oſenols l  bi - dasuema, das dabinons nos pla BIN e TIK. F  g balugik ad kan  n ſuem  n ſinifi v  das, kelas alik ſevod  kon obes horiti nenfinik – ek   kod ſaidik ad pleid    l  b.

If konfidoy  v-la obe vobedi ad v  l  n bal  dis ad pen  n fa ſtudans, v  lob  v ba te v  di bal, e v  d bal at,   s alik onas, kanon  v koed  n tik  n obis.

Ab konſ  lil nelaodik ini lil olas : betikols  s badi, keli, dabin  lo p  t g  nik, alikan obas ekanobs  v dun  n, e binols  s d  l  lik vis   p  ks votikanas.

II:15:2009

Dostofevsky äsagom: Ruklienäl boyada dabinson lä alikan bälđota kompananas obsik. Kompenans at ledutons timädes valik.

Anu, das erivob bälđoti lifayelas obik veldeg, e das vidiko ebeiädob *speli lifa*, keli ilabob põ moted oba - ün tim et lifadul zänodik äbinon yelas foldeg - danob Büölogali äsi valikanis, kels elöfons obi, e kels edunons gudikosi obe.

Habui partem meam, elabob mögodi oba. Glidob deli nulik alik äs legivoti jönik, kel pegevon obe. E pro alikan olas labob vipi te bali, sevabo: das okanols rivön püdi lādäloda lölöfik, e, ven orivols bälđoti oba, okanols binön leigo läbik äs ob binob anu.

E no glömölsös, begö! das smilil e natäl fredaladälük oyufons olis gudikumo ka sanans ad juitön sauni gudik.

Ladetäbs ömik peneda at postunükons ad panemön flens obik. Jenöfo valikans onas binons flens obik, igo if nesevons-la osi, nen läsikön völädi flenöfa utanas, kels binons niliküns obe. Mens valik vo binons flens oba : kredans e nekredans, gudälans e negudälans, ilegikans e neliegikans, e mu pato põfikans. Ed oläükob, äs hiel Walt Whitman: „no te mens presenatima, ab id utans pasetatima, äsi utans fütüratima”, kelis zibradob mu svistälo.

Fino, tostob ad saun gudik lādūlas plitūlik, äsi ad läb valikanas olas.

Flen olsik
Arturo Alfandari



PŪKS MEKAVIK E TOODS

Pūks mekavik binons äs toods. Pūkis somik lārnoy fasiliko, bi gramat binon nomik, e no mutoy perön timi ad lārnon pläamis. I binos fasilik ad motoravabön. Ab ven no geboy bānsini saidik, tood no jäfidon.

Ekö tid gudik pro utans, kels sagons, das pūk bevūnetik no jäfidon. Nen bānsin saidik, sevabo: nen flum vōdas aldelik, pūk somik, äs tood, no okanon jäfidön äs pūk lifik.

DIV REGA SALOMON (14)

